

**TUKUM THUPI DING**

EBC - 2018 Saptuam Department tuamtuum ading thupi kikhen hiai bang ahi.

**SAPTUAM KUM THUPI**

Nang vualzawlina hi in. (Gen. 12:2c)

**DORCAS**

Nang vualzawlina hi in.  
January - February, 2018

Thupi :- Vualzawlina hihtheihna dia kibulphuhna masate

1. Vualzawl theitu, vualzawlina naak neih masak ngai hi.
  2. Vualzawl theitu P athian toh kichimat gige kul hi.
  3. Mite dia vualzawlina hih theihna ding a vualzawl taak a hin kul hi.
- (Gen.12:1-3; Josh 1:8; Luke 9:23-24; Johan 7:38; 15:4.5; I Johan. 2:15-17).

**YOUTH**

“Nang Vualzawlina hi in”

Khennen (Jan & Feb) : PATHIAN KUMPIGAM LEH VUALZAWLINA (Gen. 12:1-9; Mathai 5-7).  
ATUP > Ginna a I pa uh Abraham, khovela namchih adia vualzawlina naak ahih ziakin amah khanggui ah khovel hondampa Jesu khrist a hong piang hi. Abraham bangin nang akipat khang hong om zeldingte adin Jesu khrist tuh a hondampa ding uh ahih dan I piaksawn ngeingei di uh ahi.

**CHILDREN**

Nang vualzawlina hi in.

**SAPTUAM BANK ACCOUNT DETAIL**

“Evangelical Baptist Convention, Delhi”

A/c No. 11084241142

State Bank of India, New Delhi Main Branch,  
Parliament Street, New Delhi - 110001,  
IFS Code SBIN0000691

Email: finance@ebccdelhi.org leh  
Mob. No. 9818687331 ah piakna details  
theisak zel le kichian mahmah ding.

**NIPINI NAWN BIAKNA HUNZEK**

January 21, 2018

09:30 AM : Counselling Hun

11:00 AM : ZINGLAM BIAKNA KIKHOP

**MISSIONS SUNDAY**

Thupi :

"Tanchin Hoih KIPAHHUI" (Rome-te 10:15)

Ani : 21 Jan 2018

Hun masa : 11am

Praise & worship : WT

Thilpiak (local missions maintenance)

Lantu : Upa Damsomthang

Spl Number :

Thugenna : Pastor H. Biakson

Hunkhakna : Upa Thiankhanmuan

02:00 PM - SUNNUNG BIAKNA KIKHOP

Hun nihna : 2pm

Praise & worship : WT

Thilpiak (local missions maintenance)

Lantu : Upa Ngulminthang

Spl No :

Thugenna : Pastor N. Tuang Lang

Hunkhakna : Upa Thianzakham.

**BCD DEVOTION 14.01.2018**

Singspiration

Pitu : Htn Hmingte

Laisiangthou Sima Thumna : Htn Deborah

Phatkawmna : Lapite makaih in

Lathak sinna : Lapite makaih

Thupuanna : a om bangbang

Thohlawm latna/hunkhakna : Htn Siami

Pawl kikhenna/ pawl kisuanna/ minkhumna  
omding.Naupangte kumlui a i pawl chiat a pai  
khawm phot ding ahi

**NIPINI PAITA (07/01/18) A THILPIAK LAKKHAWM**

Thilpiak -8,003/-; KTZ-2167/-;

Sawm-a-khat - 3,22,853/-;

Nektang Thilpiak- 570/-;

BIIS/BSI- 11,300/-;GBC-5500/-;

Biakna Kikhop - NIPINI TENG

ZING DAK 11:00 AM

SUNNUNG DAK 2:00 PM

**Laisiangthou Bulphuh**

*Ka lei in na diktatna thu  
gen ding a, suun nitum tum  
a nang phatna thu gengen  
ding hi.*

*Phatnalate 35:28*

**PRAYER POINTS**

>Ni guk sung eimah na a buai a ni sagih ni Chiang a Biakinn a Biakna pe thei ding a I paikhawm theih zel man in kipahtu genni.

>Missions Sunday (21.01.2018) hongtung ding Pathianni program lohching leh gahsuh ahihtheihna ding in thum ni.

>Damlouhna ziak a Delhi a kikem lelte Pathian ompihna toh hong damsiang na ding un Thumna in phawk ni.

>Tukum I saptuam thupi “ Nang vualzawlina hi in” (Gen. 12:2c) chih ahih dungzui a michih midangte a dia sa leh kha a vualzawlina I hih theihna ding un thumni.

>Nipini nawn Biakna hunseh kigelte - manphatak a I zat theihna ding in tannei dingte leh mipite Toupa khut hat a kikemsak ni.

Khateng Nipini masapen chihlough zing 9:30 - 10:30 sung Counselling hour hi gige hi. Hiai hun in mimal hi in, innkuan hileh Pastor thumsakna lunggulh leh houlim nuam kuapeuh welcome ahi.



Tukum Thupi  
Nang Vualzawlina hi in

For Private Circulation Only | January 14, 2018

**TUNI BIAKNA HUNZEK**

09:30 AM - COUNSELLING HUN

11 : AM -ZINGLAM BIAKNA KIKHOP

Thupi: Nang vualzawlina hi in (Genesis 12:2c)

Biakna & Phatkawmna : WT makaih in.

Thilpiak Latna : Upa T. Thiankhanmuan

Thugenna : Pastor

Biakna & Phatkawmna : WT makaih in.

Hunkhakna & : Upa H. Kam Suanthang

Vualzawlina

Tea Fellowship - Singpi dawn a kithuahkhawmna

2:00pm- SUNNUNG BIAKNA KIKHOP

*Khateng Thupi: Pathian Kumpigam leh Vualzawlina  
(Genesis 12:1-9; Mathai 5-7)*

Biakna leh Phatna : WT makaih in

Thilpiak Latna : Upa Thangkhosiam Tonsing

Special No. :

Thugenna : Pastor

Hunkhakna/Vualzawlina : Upa T. Songzalian

Tea Fellowship - Singpi dawn a kithuahkhawmna



07 TO 10 FEB 2018  
EBCC DELHI BIAKINN

THUGEN:  
Evan. T. Damkhotang

Registration Fee:  
Rs 200.00

January 21, 2018

ebccdelhi.org

For Registration Contact:  
Pastor N. Tuang Lang (9811-34-3689)  
Pastor H. Biakson (9711-86-4037)  
Upa H. Kam Suanthang (9868-27-0231)

REGISTRATION BAWLTHEIHTA

## SALAM LEH KHALAM A KHANNA

*Jesu bel pilna ah a khang a, pumpi lam ah zong a khang a, Pathian leh mihingte' deihsakna a tang hi. **Luke 2:52 (BI)** Naungek suakthakte bang in, khalam nawitui siang lunggulh un. Tua pansan in na hotdamna uah na khangtou ding uhi. **1Peter 2:2 (BI)***

Khanna ichih hinna nei khempeuh a ding a poimawh thil ahi. Sing leh lou, huangvulh ganta leh mihing te: a ni, a kha leh kum a khandan ngeina bang a hong khanlouh chia'n ki-om maimai theilou in theitawp suah in pan kila hi. Sawltaklian Jakob in mihing sa leh kha ahindan a laikhakna ah chiangtak in na gelh hi (**Jakob 2:26**). I Hondampa leh Toupa, Khrist Jesu leng khan hoih khang a khang ahidan Dr. Luke in ana gelh hi. Pilna leh pumpi a khang ban ah, mihing leh Pathian deihsakna tawh khang chi in.

Mihingte a dia poimawh mahmah tuh khan hoih khang pha a khang ding ahi. Tua ichih chiang in salam leh khalam a khanna ahi hi. Salam a damsung kumte khang, nektak zonna a muhna khang, neih leh lam khang, pawlam etna a vualzawlina dong leh khang mahmah a kilang, himahleh khalam hinkhua a gen ding bangpi omlou maimah ihih khak ding lauhuai lua hi! Thilpiak a Toupa gam nna sepna, Pathian biak khawmna, innkuan biakna leh mimal a Pathian thu simna leh thumna hunte a panlakna or awlmohna bangmah neilou ihikhak leh poi law mahmah ding ahih kia thamlou in, kisik ngeingei ding ihi.

Sawltaklian Matthai in *Noute a ding in leitung ah gou kikhoh lei un. Leitung zaw nget leh tuiek in a hihsiatna mun leh gutate'n aluh a, a gukna mun ahi. Vantung ah gou kikhoh zaw un. Vantung bel nget leh tuiek in a hihsiat louhna mun leh, gutate'n aluh a, a guklouh na mun ahi. Ahang bel, na gou omna peuh a na lungtang zong om ding hiven (Mat. 6:19-21)*. Hun tamtak ah hotdam tate'n leitung thilte ngaihsakna or poimawh ngaihna kinei kha veu sek hi. Hiai pen thil lamdang hilou in leitung a sa leh si a omlai, khaulzin taam lel ihihman ahi hi. Himahleh a kiven huai leh pilvan tuak mahmah bel, hiai i awlmoh leh poimawh ngaih mahmah I taksa pen khatvei tei a

tawldam/bei hun om ding a, himahleh I awlmohluat louhleh I thupi ngaih louh I kha pen tawldam or bei thei mawklou ding ahihman in patauh huai lua hi!

Lazar leh mihausa tanchin apan chiang mahmah thil khat a om. Thil a hunlai a om a, a kikhel hun leng a om chih. Mihausa'pa a sihnung in leh a kha a tun na ding a tun nung in a kisik a, a phatuam nawn kei. Kia thamlou in a sanggamte a vei phing a, a phatuam nawn sam kei (**cf Luk. 16:20-31**). Huaiziak in salam ah thau leh mam, niang leh tai, nuam leh kipak in om mah ni. Toupa'n hon vualzawl hiven maw. Huchih kawmkawm in hon vualzawltu deihna bang leh A' tapa Jesu Khrist khang bang in I mihinhpih leh Pathian deihsakna tawh khang khawm in i hinna pumpi leh ineih-le-lam tawh Toupa' nasepna ah kizang ding in hanchiam ni hang.

NA SALAM MEL KILAT BANG LEH, NA NEIH LEH LAM KIMU THEI BANGBANG IN, NA KHALAM MEL LEH NASEP HONG KILANG KHE DING HILEH BANGCHI BANG MEL PU DING IN NA KIGING A? TOUPA'N I KHALAM LENG KHUAL THEI LAI DING IN KUMTHAK 2018 HON MUSAK AHI. TOUPA HATNA MUANG IN KAL I SUAN UH AW LE...

### JANUARY 2018 USHER

JANUARY 2017 sung Mipi Biakkhawmna hunte a Usher-te :

**11:00 AM** : Kishangarh Prayer cell  
**02:00 PM** : BYF SaMoNa Jan. 7 & 14  
BYF Vasant & JNU Jan. 21 & 28

### COMING UP EVENT FOR JANUARY 2018

Jan. 14 (Sun) = BCD minkhum kipan  
Jan. 21 (Sun) = Missions Sunday & BCD Sunday school patni.  
Jan. 28 (Sun) = Piching Nipi skol patni.

## PAPI CAMP : PATE' DIA HUN HOIH, MANSUAH KEI NI! (2 Kor. 6:2; Isai 38:1)

Pathian' hehpihna tang a, hun hoih I muhding lamem in hong tung ding February 7-11, 2018 sung, EBCC Delhi Biakinn mun ah, "Mi kipumkhek suakta un" Rom. 12:2 chih thupi a nei in "PAPI CAMP" neih kisawm hi. Hiai Camp in a tup ahihleh, innkuan a pate' khalam dinmun kivelthakna leh siamthakna ahi. I saptuam sung a innkuan chih a pate telkim ding tuh I lunggulh leh deihmahmah ahi. Hiai hun a thugentu ding in Evangelist T. Damkhotang, EBC Hqtrs. pang ding hi. Papi Camp ahih dungzui in saptuam a innsungpa zousiah kisu-awngthawl a tel ding in Toupa' min in I kingen hi. Pathian in Kumpi Hezekiah' kiang ah, "Damkhe zoulou a siding na hi, na innsung omdidan gelfel in" chih thu lungphawn huaitak mai, damlouhna lupna a a luplai in, a gen hi. Pathian lau leh kumpi hoihtak a kigen himahleh siding in a kiman nai hetkei hi. Hezekiah' ading in gamsung vaihawm ding, gou-le-gam kaihkhawm ding, gam humbit ding, khantouhsak ding leh mipite etkol ding nna tampi om keihkuhi kha ding hi. Ahihhang in, nai chik a amah maituah theih gige tuh sihna ahi.

Hiai sihna a tuahma ngei a, Amah leh Pathian' kal abawldik ding, a insung omdingdan a fel ding, chih ahi. Himahleh hiai kisakholhna or kisiamthakna hun sung ding tuh bangchituk a sau or tom ding hiam chih theihtheih ahikei hi. A ziak tuh, sih hun ding kitheilou ahihman in. Huaiziak in, Pathian toh kal bawlemna leh innsung omdan hihfel ding leh, ettontak pa ahihna ding a hun hoih a neih sun tuh "tu hun" ahimai mah hi!

Pate aw, Hezekia' tung a Pathian' thutung ei' tung a tu ding hileh, pate' lak a bangzah in, Hezekia bangloutak in, "Ole, ka manta Toupa" chihthei ding I om dia le? A tamzawte zaw, Hezekia bang a kiman nailou ihih chiat i lamem hi. Tukum hun paisa ah, mahni le kilamen nailou, a innkuante'n leng a phal nailouh uh, a theikhate'n leng lamdang a sak uh, himahleh sihna hanmual zuan, pa tamtak a om hi. Hiaite' lak ah, khenkhathe Pathian toh kituak kha

Aban ah

## PAPI CAMP zopna.....

nailou (piangthak nailou) bang, khenkhathe piangthak nazenpi a, nungzuihna hinkhua a vuallel mahmah, khenkhathe innkuan om dingdan gelfel kha nailou a sungte hamhaihtak a nusia bang, khenkhathe Jesu Khrist adia kizangkhalou bang le omkha ding hi. Huaiziak in, hun hoih I neihzaw "tu hun" ahi. Kimansak inla, thumna toh kisakhol in tel teitei ding Toupa' min in I kingen hi.

Tutung camp tuh hiai a nuaiate adia hun hoih ahi:

1. Hotdamna khamuanna nei nailou : Khalam pianthakna kichiantak neilou a, a guuktak a buai khak theih ahi. Tua bangte' ading in tutung na hunhoih nanung hikha thei hi. Tel teitei in aw.
2. Siamthaknawanna na poimoh : Khrist' nungzui hihna leh innsungpa hihna ah, ettontak hinkhua a hingzou nawnlou, nungtolh leh bah hi a kithei na hih leh, nang ading a hun hoih ahi. Tel teitei in aw.
3. Pathian' vanzat thupisem hih ding: Hiai tuh Khristian diktakte' lunggulh hi gige hi. Toupa'n tutung in nang hon puahpha ut sem hi. A sawngzaw leh manpha zaw a midangte' adia vualzawlina na hi hut leh, hong tel in aw.

## TBCD KIZAKSAKNA

Toupan hunpha a hon piak leh 21.01.2018 ni a Sunday School Class pat kisawm ahi. Huai dia kisak kholhna paitou lelel ahih kawm in Naupang te min khumna 14.01.2018 a pat hiding hi.

Minkhumna a poimoh khenkhathe

1. Naupang' min
2. DOB
3. Pa' min leh mobile no
4. Nu' min leh mobile no
5. Naupang' mobile no
5. Veng min
7. Piangthak(y/n/theilou)

Minkhumthei dingte ahihleh tukum 2018 a kum 4 ching dingte apat kum 18 ching dingte tan hiding uh ahi

## BCD SINSAKTU DI SAPNA

Baptist Children Department a Sinsaktu nasep lunglutna nei ten 17.01.2018 (Nilaini) tan in Pastorte' thuzak theih ding hi.